

Morning Regional Dogri News Bulletin, 27th July 2024

मार्निंग डोगरी न्यूज़ बुलेटिन, समें. 09-20 Hrs



Headlines

1. प्रधानमंत्री नरेन्द्र मोदी होर अज्ज नमीं दिलली च नीति आयोग दी गवर्निंग काउंसल दी 9मीं बैठक दी प्रधानता करगंनं
2. उपराज्यपाल मनोज सिन्हा होरें आखेआ ऐ जे जम्मू कश्मीर च पिदले किश दिनें दरान तेज रफतार कन्नै विकास होआ ऐ।
3. श्री अमरनाथ जी दी यात्रा दरान 28एं दिनें च तकरीबन साढ़े 4 लक्ख श्रद्धालुएं बाबा बर्फानी दे दर्शन करी लैते न। जम्मू थमां अज्ज 1500 शा मते श्रद्धालुएं दा जत्था घाटी लेई रवाना होआ।
4. प्रशासनिक काउंसल नै प्रदेश च आयोजित जिमीं सरबंधी अलाटमेंट नीति च बदलाव कीता ऐ। औद्योगिक इलाकें दे विकास लेई 3 जहार 188 कनाल जिमीं मुतकिल करन ते सेहत इदारें दे विकास सरबंधी प्रस्ताह गी मंजूरी दित्ती गई ऐ।
5. फोटू लगगी दिएं मतदाता सूचिएं दी विशेष नजरसानी तैहत प्रदेश दे सब्बनें मतदान केन्द्रें पर पिशेष कैंप लोआए जा'रदे न।



PM-NITI

प्रधानमंत्री नरेन्द्र मोदी होर अज्ज नमीं दिल्ली राष्ट्रपति भवन सांस्कृतिक केन्द्र, च नीति आयोग दी गवर्निंग काउंसल दी 9मीं बैठक दी अध्यक्षता करगंन। इस ब'रे दी बैठक दा विषयसार "विकसित भारत @ 2047 ऐ। इस बैठक च भारत गी 2047 तोड़ी विकसित भारत बनाने बारे दृष्टिकोण बारे चर्चा कीती जाग। नीति आयोग नै आखेआ जे गवर्निंग काउंसलिंग दी बैठक च शैहरी ते ग्रामीण इलाकें च रवा'रदे लोकें दे जीवन गी होर बेहतर बनाने बारे केन्द्र ते राज्य सरकारें बश्कार तालमेल ते आयोग बारे चर्चा कीती जाग।



LG-Development

उपराज्यपाल मनोज सिन्हा होरें कल आखेआ जे पिछले किश ब8रें च तेजी कन्नै होए दा विकास ते गैर ममूली उपलब्धियां एहदा सबूत ऐ जे प्रशासन जम्मू कश्मीर च हर क्षेत्र दे विकास आस्तै पूरी चाल्ली प्रतिबद्ध ऐ। उनें आखेआ जे अस जम्मू कश्मीर दी सांस्कृतिक पंछान, कारीगिरी च नमीं जान भरने ते जम्मू कश्मीर गी पर्यटकें लेई पैहली पसिंद बनाने च सफल होआ8रदे आं उनें जम्मू कश्मीर दे बसनीकें तगर हर सहूलियत पजांदे होई उनेंगी मजबूत करने च प्रशासन दी कोशशें दा बी जिक्क कीता। जिंदे च खास करियै नोजवान, महिलां, करसान, कारीगिर, दस्तकार शामिल न। उपराज्यपाल होर जेएंडके संभव उत्सव दे दुए संस्करण दे उद्घाटन दे मोके बोला'रदे हे जेहदा आयोजन रेजिडेंट कमीशन जम्मू कश्मीर तरफा कीता गेआ हा।



Amarnath Yatra

श्री अमरनाथ जी दी सालाना यात्रा दे 28में दिन यानि कल देश दे बक्ख-बक्ख हिस्से थमां आए दे श्रद्धालुएं पवित्र गुफा च मत्था टेकेआ, जिंदी गिनतरी 8 जहार 781 ही। अज्ज बडलै जम्मू दे भगवती नगर आले आधार शिविर थमां नुनवन-पहलगाम ते बालटाल-गांदरबल दौनें बेस कैपें बक्खी यात्रुएं दा काफला रवाना होआ। 63 गड्डिडएं च सुआर यात्रु कड़ी सुरक्षा बंदोबस्त हेठ यात्रा लेई अग्गे बधे। अज्ज दे जत्थे च 1 जहार 269 मर्द, 398 महिलां, 1 न्याणा, 95 साधु ते 10 साध्वियां शामिल हियां। 29 जून गी शुरू होई दी इस पवित्र यात्रा दे चलदे हुनै तोड़ी 4 लक्ख 44 जहार 340 श्रद्धालुएं शिवें दे हिमलिंगम रूपै दे दर्शन करी लैते न। 52 दिनें तगर चलने आली एह यात्रा रक्खड़ पुन्नेआ गी सम्पन्न होग जिस दिन हिंदुएं दा ध्यार रक्खड़ी बी मनाया जंदा ऐ जेहड़ा इस बारी 19 अगस्त गी आया ऐ। इस्सै दिन भगवान शिव दी पवित्र छड़ी गी दशनामी अखाड़ा श्रीनगर थमां पवित्र गुफा तोड़ी महंत दिपेन्द्र गिरी ते होरने दुए साधुएं दी अगुवाई च लेता जाग।



Budha Amarnath

जम्मू दे डिवीजनल कमीशनर रमेश कुमार ते पुलस दे एडिशनल डरैक्टी जनरल आनंद जैन होरें कल इक बैठक दरान श्री बुड्डा अमरनाथ जी दी यात्रा लेई कीती गेदी तैआरिएं दा जायजा लैता। बैठक दरान जम्मू थमां श्रद्धालुएं दी जत्थे गी बेल्ले सिर रवाना करोआने सनें होरने बक्ख-बक्ख मामलें पर बी चर्चा कीती गई। डिवीजनल कमीशनर होरें इस गल्लै पर टकोहदा जोर दित्ता जे श्रद्धालुएं आस्सेआ सब्बने दिशा-निर्देशों दी पालमा जकीनी बनाई जा। इस गल्लै पर बी टकोहदा जोर दित्ता गेआ ऐ जे बिजन पंजीकरण दे कुसै बी श्रद्धालु गी इस यात्रा दी खुल्ल नेई दित्ती जाग।



Machail Yatra

किश्तवाड़ जिला प्रशासन आस्सेआ मचेल च श्री चंडी माता भवन च माता दे इक बड़डे जागरण दा आयोजन कीता गेआ। सालाना श्री मचेल माता यात्रा दी शुरूआत दे सिलसिले च आयोजित इस कार्यक्रम दा सरिस्ता किश्तवाड़ दे डिप्टी कमीशनर डॉ. देवांश यादव हुंदी दिक्ख-रिक्ख हेठ कीता गेआ। मन्ने परमन्ने दे कलाकारें-चमन लहरी ते दलजीत सिंह राखौर नै अपनी भेटें राएं पूरे माहौल गी भक्तिमय बनाई दित्ता।



APJ Kalam

अज्ज राष्ट्र साबका राष्ट्रपति ते मन्ने परमन्ने दे साईंसदान ए.पी.जे.अब्दुल कलाम होरें गी उंदी 9मीं पुन्यतिथि पर भावें भरोची श्रद्धांजलि देआ करदा ऐ। उनें भारत च अंतरिक्ष ते मिसाईल विकास कार्यक्रम च महत्वपूर्ण भूमका नभाई ही। उनें मिसाईल मैन ऑफ इंडिया दे नां कन्नै बी जानेआ जंदा ऐ। उंदा देहांत अज्जै दे दिन यानि 27 जुलाई 2015 च होआ हा।



SANSAR ADARSH GRAM

जिला रामबन दे सनासर ग्रां गी प्रधानमंत्री आदर्श ग्राम योजना दे हेठ 20 लक्ख रपे दी विकास परियोजनाएं दी सफलता कन्नै पूरी करने आस्तै अधिकारिक तौर पर आदर्श ग्राम घोशत कीता गेआ ऐ। इसी ग्रामीण विकास दे नजरिये कन्नै इक बड़डी उपलब्धि दिक्खेआ जंदा ऐ, जिसी इक जुट होइयै कम्म करने ते रणनीति कन्नै निवेश करने कन्नै गै हासल कीता गेआ ऐ। इस वयापक परियोजना च शिड़कें, नालिएं दा निर्माण, पानी दे टैंक लोआने, यात्रुएं आस्तै शौड लोआने, वाटर कुलर दी सुविधा बगैरा शामिल न। इनें नमीं सहूलतें कन्ने ना सिर्फ सनासर ग्रां दे लोकें दा जीन सोक्खा होग, सगुआं आले दुआले दे ग्राएं आस्तै बी इक मिसाल कायम होई ऐ।



AC Decision

प्रशासनिक परिषद नै जम्मू कश्मीर औद्योगिक जमीन दी अलाटमेंट सरबंधी नीति 2021-30 च बदलाव करने दी मंजूरी देई दित्ती ऐ। परिषद नै जम्मू कश्मीर औद्योगिक इलाकें दे विकास आस्तै बक्ख-बक्ख श्रेणिएं दी जमीन गी मुंतकिल करने दे प्रस्ताह गी बी मंजूरी दित्ती ऐ। परिषद दी बैठक उपराज्यपाल मनोज सिन्हा हुंदी अध्यक्षता च होई। राजभवन दे प्रवक्ता दे मताबक हितधारकें शा मिली दी प्रतिक्रिया दे आधार पर मजूदा नीति

च बदलाव कीता गेआ ऐ जेहदा मकसद जमीन अलाट करने दी प्रक्रिया गी असान ते कारगर बनाना ऐ। परिष नै 3 जहार 188 कनाल ते 8 मरले जमीन गी उद्योग ते वाणिज्य विभाग गी मुंतकिल करने दे प्रस्ताह गी बी मंजूरी देई दित्ती ऐ। एह जमीन जिला कुपवाड़ा, बांडीपोरा, अनंतनाग, पुलवामा, बारामुला ते बडगाम च ऐ। 2019 मगरा औद्योगिक ढांचे गी मजबूत बनाने पर सरकार दा खासा ध्यान रेआ ऐ जेहदे कन्नै आर्थिक विकास ते रोजगार दे नमें मौके बी पैदा होंदे न।



AC-Health

प्रशासनिक परिष नै इंदिरा गांधी गौरमेंट डेंटल अस्पताल अंबफला जम्मू च पोस्ट ग्रेजुएट ते अंडर ग्रेजुएट विद्यार्थिएं आस्तै होस्टल, शदीशुदा पोस्ट ग्रेजुएट विद्यार्थिएं आस्तै बैडरूम अपार्टमेंट, अध्यापकें दे क्वार्टर, गेस्ट हाउस दे दुए निर्माण दी मंजूरी देई दित्ती ऐ। इंदे कन्नै इस बड्डे दंदे दे अस्पताल च अध्यापकें ते विद्यार्थिएं ताई सहूलत च इजाफा होग ते इस संस्थान दी राष्ट्रीय स्तर दी रैंकिंग च बी सुधार होग। प्रशासनिक परिषद नै गौरमेंट मैडिकल कालेज कटुआ, गौरमेंट मैडिकल कालेज डोडा, गौरमेंट मैडिकल कालेज अनंतनाग, ते गौरमेंट मैडिकल कालेज बारामुला च बी निर्माण कम्में गी मंजूरी दित्ती ऐ। इनें प्रस्तावें दी फासला, थाहर, खास डिजाइन ते जमीन दे विकास दे आधार पर नजरसानी कीती जाग।



Summary Revision

भारती चुनां आयोग ते जम्मू कश्मीर दे मुख् चुनां अधिकारी हुंदे आस्सेआ जारी कार्यक्रम मूजब प्रदेश दे सब्बनें मतदान केन्द्र च अज्ज 27 जुलाई, 28 जुलाई ते फही 3 ते 4 अगस्त गी बी विशेष कैंप लोआए जा करदे न। सब्बने चुनां पंजीकरण अधिकारिएं गी निर्देश दित्ता गेआ ऐ जे ओह सरबंधत मतदान केन्द्रें पर लोडचदे फार्में ते मतदाता सूचिएं सनें बूथ सतह दे सब्बनें अफसरें दी मजूदगी जकीनी बनान। कैंप आले ध्याड़े पर मतदान केन्द्रें दी चानचक्क जांच बी कीती जाग।



Drone Dropped

भारती फौज नै कल राजौरी जिले दे नौशहरा सेक्टर च थेआरें ते गोला-बरूद दी इक खेप बरामद कीती ऐ जेहड़ी मन्नेआ जा'रदा ऐ जे बन्ने पारा थमां ड्रोन दे राएं उत्थें पजाई गेदी होई यकदी ऐ। कब्जा रेखा कन्नै लगदे नौशहरा सेक्टर दे मंगला बटालियन इलाके च ड्रोन दी नकलो हरकत दिक्खे जाने पर फौज आस्सेआ उत्थें तपाशी अभियान चलाया गेआ। फौज दे जवानें ड्रोन पर गोलीबारी बी कीती ते घेराबंदी ते तपाशी

अभियान बी रंभेआ। इस अभियान दरान थेआरें ते गोला-बरुद दी खेप बरामद होई जिसी तुरत कब्जे च लेई लैता गेआ।



ICDS(byte)

संगठित बाल विकास सेवां आईसीडीएस जागरूक कार्यक्रम दी शुरूआत संपूर्णता आगियान हेठ रामबन दे खारी ब्लाक च कीती गई। इस कार्यक्रम दा मकसद निक्के न्याणे, गर्भवती महिला ते दुग्धपान कराने आली महिलां दी सेहत जांच, उंदी खुराक ते विकास सरबंधी जरूरतें गी पूरा करना हा। रोज दे रोज इस जागरूकता अभियान च 50 शा 60 महिलां हिस्सा लै'रदियां न। इस अभियान हेठ खारी ब्लाक दे बक्ख-बक्ख वार्डें च कैंप लोआए गेदे न। आईसीडीसी गर्भवती महिलाएं गी केई सुविधा जियां अतिरिक्त खुराक, सेहत सरबंधी जानकारी बी दिंदा ऐ।



NHM-Ramban

जम्मू कश्मीर राष्ट्री सेहत मिशन नै कल अस्पताल प्रबंधन जानकारी प्रणाली जेकेसी सैहज पर लोक सेहत सुविधाएं दी जून 2024 आस्तै रैकिंग जारी कीती ऐ। गौरमेंट मैडिकल कालेजें कन्नै जुड़े दे नमें गौरमेंट कालेजें दी श्रेणी च गौरमेंट कालेज कटुआ गी पैहली थाहर थहोई ऐ। एहदे मगरा गौरमेंट कालेज उधमपुर, गौरमेंट मैडिकल कालेज राजौरी, गौरमेंट मैडिकल कालेज बारामुला ते गौरमेंट मैडिकल कालेज डोडा दा नां शामिल ऐ। जिला अस्पतालें दी श्रेणी च जिला अस्पताल किश्तवाड़ पैहली थाहर पर रेआ जेहदे परेंत एएसवाईएम जिला अस्पताल बडगाम, जिला अस्पताल सांबा, जिला अस्पताल शोपियां ते जिला अस्पताल रियासी शामिल न। समुदायिक सेहत केन्द्रें दी श्रेणी च कम्युनिटी सेहत सेंटर, नगाम-बडगाम पैहली थाहर पर रेआ। एहदे मगरा सीएचसी पखरपोरा(बडगाम), सीएचसी डूरू(अनंतनाग), सीएचसी बसोहली(कटुआ) ते सीएचसी बिलावर(कटुआ) इस सूचि च शामिल न।

